

壽  
樂  
廬  
儀  
禮  
大  
固

儀禮燕固卷六

壽櫟廬叢書之一

名山吳之英典

燕禮第六篇 燕示慈惠天子所以布政諸侯勞臣合歡以酒致和以樂諧而不嚴詎取安燕有射事則屬焉故曰天子諸侯射先行燕禮五禮屬嘉大戴十二小戴第六劉錄鄭目同第六篇

燕禮小臣戒與者 燕飲禮君飲臣宰夫主獻天子則大僕相其法小臣佐諸侯唯用小臣與與禮戒以公命告期

膳宰具官饌于寢東樂人縣 膳善供尊者以尊美名膳宰擬天子膳夫屬庖人內外饗等掌膳羞及割烹煎和事目官饌別士旅食者寢路寢于寢東不于房樂人擬天子樂

師掌合聲展器春官屬縣軒縣樂在篋簠曰縣寢已縣整  
新之不言位例在階間

設洗篚于阼階東南當東霤壘水在東篚在洗西南肆設膳  
篚在其北西面君屋不爲榮故霽舉膳篚實象觚象觶在  
其北北上西面東陳膳篚鄉外有文故稱面

司宮尊于東楹之西兩方壺左玄酒南上公尊瓦大兩有豐  
幕用綌若綈在尊南南上尊士旅食于門西兩圓壺司宮  
擬天子宮正掌寢事天官屬燕在寢故司宮尊方壺卿大  
夫士所酌所謂散尊東楹西君之賜左玄酒酌散由右宜  
南上公尊在南瓦大兩一爲公酌一爲獻酢酌有豐起方  
壺無禁幕重膳尊執者司啟閉綈布細于綌言若起北瓦

大用綌爲例。南瓦大用綌爲加。在尊南瓦大在方壺南。再言南上。起北陳。別于方壺相竝之南上。士旅食。庶士在官者。尊門西。以賤近其位。酌不升。圖壺取別于方。以人衆兩古文綌爲錫。

司宮筵賓于戶西東上無加席也。司宮筵賓燕例無加席。以君在殺。

射人告具。射人掌以射法治射儀。夏官屬燕有射政。故職告具。凡設官天子備諸侯儗。大夫士假。

小臣設公席于阼階上。西鄉設加席。公升卽位于席西鄉。公席莞筵紛純。加席纁席畫純。小臣設燕例。公或由外朝。或由小寢。故言升。卽席不爲主人。

小臣納卿大夫卿大夫皆入門右北面東上士立于西方東  
面北上祝史立于門東北面東上小臣師一人在東堂下南  
面士旅食者立于門西東上小臣納卿大夫公升席以命  
納入門右純臣位北面鄉君東上卿在右士西方東面北  
上與卿大夫異列祝有五大祝小祝喪祝甸祝詛祝此當  
甸祝掌田禽祝號天子下士史有五大史小史內史外史  
御史此當外史掌書名天子下士皆春官屬立門東北面  
東上降于士不嫌屬卿大夫小臣師一人小臣長東堂下  
南面近阼宜贊君士旅食者立門西別于祝史東上統于  
主主位東略取朝位爲位

公降立于阼階之東南南鄉爾卿卿西面北上爾大夫大夫

皆少進 始入爲位禮意方新故降立南鄉不改朝面爾引  
近之略于揖謹于厭卿在東故先爾西面北上順君爲列  
爾大夫由卿及少進仍前位以命賓將于同位中

射人請賓公曰命某爲賓射人命賓少進禮辭反命又命之  
賓再拜稽首許諾射人反命賓出立于門外東面公揖卿大  
夫乃升就席 請賓謂公命賓某大夫名命賓由公右賓少  
進被命當出列禮辭起不固非純賓反命告賓辭又命君  
申命射人再命再拜稽首拜命仍進位君不答將不爲主  
焉爾許諾若言君再辱命臣不敢辭反命告賓許賓出將  
更入新其事揖卿大夫公將側升

小臣自阼階下北面請執冪者與羞膳者乃命執冪者執冪

者升自西階立于尊南北面東上 小臣請將贊命自阼階下皆未升不當升執冪執瓦大冪羞膳進公薦俎臨事請命優公升自西階公專阼東上執南冪者左特命執冪者位在堂羞膳者以內位沒命文實敘命

膳宰請羞于諸公卿者 薦謂之羞更請疑不當以羞膳者羞諸公卿膳宰請起已受羞膳命不請羞大夫嫜之公卿沒命文起小膳宰自請得命

射人納賓賓入及庭公降一等揖之公升就席 射人兼擯事故以命納賓賓入從射人及庭仍前少進位降一等已降見不更沒階揖之引之右公爲正主初入示禮意焉公升就席使主人得專與禮今文曰擯者納賓

賓升自西階主人亦升自西階賓右北面至再拜賓答再拜  
賓先升從公揖不自賓主人宰夫饒天子膳夫掌膳羞  
凡燕飲爲獻主大宰屬沒命文有常職亦升西階攝主亦  
臣賓右主人位拜至新之

主人降洗洗南西北面賓降階西東面主人辭降賓對主人  
北面盥坐取觚洗賓少進辭洗主人坐奠觚于篚興對賓反  
位主人卒洗賓揖乃升主人升賓拜洗主人賓右奠觚答拜  
降洗豫目洗南辟正主洗位西北面饒鄉賓坐取觚于  
洗西篚不用饒攝獻辟純主賓揖乃升不下攝主古文觚  
皆爲解

降盥賓降主人辭賓對卒盥賓揖升主人升坐取觚執帨者



舉幕主人酌膳執幕者反幕主人筵前獻賓賓西階上拜筵  
前受賓反位 坐取觚答拜所奠酌膳酌北瓦大舉幕將酌  
反幕既酌詳之爲後酌例筵前獻賓西北面本受觚言爵  
假首名爲通名賓右拜送疑主人位。

膳宰薦脯醢賓升筵膳宰設折俎賓坐左執爵右祭脯醢奠  
爵于薦右興取肺坐絕祭齊之興加于俎坐挽手執爵遂祭  
酒興席末坐啐酒降席坐奠爵拜告旨執爵興主人答拜賓  
西階上北面坐卒爵興坐奠爵遂拜主人答拜 膳宰薦脯  
醢起請羞諸公卿得命薦由屨東則升西階辟公席所在  
膳宰設折俎兼設起同階俎言折唯骨體所宜不必脊脅  
肩肺賓主備禮佐君歡燕不敢簡。

賓以虛爵降主人降賓洗南坐奠觚少進辭降主人東面對  
賓坐取觚奠于篚下盥洗主人辭洗賓坐奠觚于篚興對卒  
洗及階揖升主人升拜洗如賓禮 主人降立階西東面賓  
洗南仍主人洗位少進辭降直洗西南今文觚皆爲爵主  
人辭下無洗。

賓降盥主人降賓辭降卒盥揖升酌膳執幕如初以酢主人  
于西階上主人北面拜受爵賓主人之左拜送爵主人坐祭  
不啐酒不拜酒不告旨遂卒爵興坐奠爵拜執爵興賓答拜  
主人不崇酒以虛爵降奠于篚 賓辭降洗南西北面如主  
人辭降位酢主人西階上就其獻位堂上無主人筵因無  
薦俎君猶未得獻故坐祭北面祭酒不啐酒無席末儀不

拜酒無降席儀不告旨代君禮雖膳不當告不崇酒不敢  
擬正主以虛爵降奠獻公當用象觚

賓降立于西階西射人升賓賓升立于序內東面 賓降主  
人將獻公辟賓位立西階西辟主人升降位射人升賓阼  
階下以公命升猶尊賓立序內變受獻位東面鄉公

主人盥洗象觚升寶之東北面獻于公公拜受爵主人降自  
西階阼階下北面拜送爵士薦脯醢膳宰設折俎升自西階  
公祭如賓禮膳宰贊授脯不拜酒立卒爵坐奠爵拜執爵興  
主人答拜升受爵以降奠于膳篚 再盥爲公潔象南越大  
獸三年一乳牙骨可飾飾觚曰象觚取象觚不用爵原公  
意不欲加于賓升寶酌南瓦大東北面不敢正當公公拜

受爵使臣以禮阼階下拜送就純臣位士縣宰屬薦脯醢  
請羞膳時所命因膳宰將設俎貳之公尊于賓折俎從賓  
升自西階該薦祭如賓公得備主人禮膳宰贊授肺因設  
佐祭公不興不拜酒不降席立卒爵啐酒興主人答拜仍  
送爵位升升西階奠觴篚將自酢不敢襲象觚

更爵洗升酌膳酒以降酢于阼階下北面坐奠爵再拜稽首  
公答再拜主人坐祭遂卒爵再拜稽首公答再拜主人奠爵  
于篚更易爵觚酌膳酒酌北瓦大公受獻宜報酢不敢當  
親酢成公意酌膳自酢阼階下送爵位公答再拜展酢意  
奠爵于篚酢畢爲節古文更爲受

主人盥洗升媵觚于賓酌散西階上坐奠爵拜賓賓降筵北

而答拜主人坐祭遂飲賓辭卒爵拜賓答拜主人降洗賓降  
主人辭降賓辭洗卒洗揖升不拜洗主人酌膳賓西階上拜  
受爵于筵前反位主人拜送爵賓升席坐祭酒遂奠于薦東  
主人降復位賓降筵西東南面立 猶盥爲遲酬申敬洗取  
觚洗西階上洗猶酌沒酬名申獻公自酢與賓酢問賓不從  
降嫌自證媵已散方壺酌散酌右壺將自飲賓已升筵而  
主人拜位北面故以拜賓名標所媵賓降筵起升筵在主  
人酌散時知媵已僂受散故升直主人拜故降答辭辭其  
先飲散將僂于媵公酌膳爲媵賓賓先拜謝酌膳故不待  
主人鄉筵祭而後奠亦爲重膳奠薦東例之酬主人降辟  
媵爵者復位鄉南位賓降筵西待公舉酬東南面立僂兼

爲二大夫禮

小臣自阼階下請媵爵者公命長小臣作下大夫二人媵爵  
媵爵者阼階下皆北面再拜稽首公答再拜媵爵者立于洗  
南西面北上序進盥洗角觶升自西階序進酌散交于楹北  
降阼階下皆奠觶再拜稽首執觶興公答再拜媵爵者皆坐  
祭遂卒觶興坐奠觶再拜稽首執觶興公答再拜媵爵者執  
觶待于洗南 主人自酢後宜酬公以賓先酢媵賓繼當媵  
公以攝主不宜酬主故小臣請媵命長爵均以齒小臣作  
下大夫卿尊作二人起命時兩長再拜稽首拜命立洗南  
西面辟賓與主人洗位北上少者南序進北者先洗角觶  
將酌散酌散爲自飲交楹北由西楹內辟公席進退相左

降待後酌者至序降阼階下奠觶拜著先飲為媵公待洗南須後命

小臣請致者若君命皆致則序進奠觶于篚阼階下皆再拜稽首公答再拜媵爵者洗象觶升實之序進坐奠于薦南北上降阼階下皆再拜稽首送觶公答再拜請致不必公意若命皆致有命皆致時先若之見其節奠觶將易觶再拜稽首拜皆致命以象牙骨飾觶曰象觶不洗象觶別于獻似降于賓觶用象實降于賓升實酌膳序進山東楹南奠薦南不敢由公前奠右北上後致者南不命媵後觶于賓酬由公舉無嫌以公之尊厭賓之禮

公坐取大夫所媵觶興以酬賓賓降西階下再拜稽首公命

小臣辭賓升成拜公坐奠觶答再拜執觶興立卒解賓下拜  
小臣辭賓升再拜稽首公坐奠觶答再拜執觶興賓進受虛  
爵降奠于篚易觶洗公有命則不易不洗反升酌膳觶下拜  
小臣辭賓升再拜稽首公答再拜 大夫膳觶長所奠北觶  
興當席末酬賓畢鄉賓小臣當贊酬酬有拜故賓先降拜  
拜下禮也方降而言再拜稽首起升成拜之節辭而升禮  
也言成起下拜未成坐奠觶降席答再拜遂答卒觶有拜  
賓亦先下拜臣之所以事君也猶執觶興若欲洗酬然進  
受虛爵承公意代公禮奠篚奠膳篚易觶洗取南篚角觶  
洗爲將賓散據臣禮有命用膳觶不易不格君賜不洗不  
褻君飲言反標受爵後必以降適洗爲節酌膳觶因膳觶



酌膳尊并言之成公酬公答再拜揖就席

賓以旅酬于西階上射人作大夫長升受旅賓大夫之右坐奠觶拜執觶興大夫答拜賓坐祭立飲卒觶不拜若膳觶也則降更觶洗升實散大夫拜受賓拜送大夫辯受酬如受賓酬之禮不祭卒受者以虛觶降奠于篚 賓以旅酬達君惠始酬無適主故射人作作長知以齒升受諸公卿尊未獻不與旅故直目大夫賓大夫右受酬者自左因射人不升大夫位在下無與錯得比常酬立卒不拜酬例若膳觶據有命不易者標異節則降更觶以公命酬賓無終酬不易之命故降更角觶洗因更觶新變于膳觶之不洗張卒酬法升實散更觶不酌膳大夫辯受酬標旅不及士不祭起

初受洗解者同例卒受降奠射人相辭既奠反位諸公卿大夫未得獻公特爲賓行旅尊賓異其節今文辯皆作徧無奠于篚

主人洗升實散獻卿於西階上司宮兼卷重席設于賓左東上卿升拜受觚主人拜送觚卿辭重席司宮徹之乃薦脯醢卿升席坐左執爵右祭脯醢遂祭酒不啐酒降席西階上北面坐卒爵興坐奠爵拜執爵興主人答拜受爵卿降復位辯獻卿主人以虛爵降奠于篚射人乃升卿卿皆升就席洗洗散觚實散膳不爲卿設兼卷重席不布而加以公厭從簡設賓左尊卿東上擬侍公拜受觚主人左主人拜送賓右辭重席嫌偪公司宮徹遂其辭有薦無俎于卿已殺遂

祭酒不更興不啐酒不疑賓執爵興不酢自殺以尊賓降復位辟後受獻位稱辯者小國一卿次國二卿大國三卿不必卽爲小國降奠獻卿爲一節升卿稱命乃者待卒受者復位。

若有諸公則先卿獻之如獻卿之禮席于阼階西北面東上無加席 諸公諸臣之尊先卿獻貴貴之詛如獻卿禮不宜更加席亦將獻乃席阼階西僂侍公左對卿列以下爲貴無加席設時止一席不踈辭以少爲貴皆防僭不盈其尊所謂曲而殺

小臣又請媵爵者二大夫媵爵如初請致者若命長致則媵爵者奠觶于筐一人待于洗南長致致者阼階下北面再拜

稽首公答再拜洗象解升實之坐奠于薦南降與立于洗南者二人皆再拜稽首送解公答再拜 又請媵爵再發公酬請致仍小臣若命長致有命長致時亦若之見其節奠解序奠一人次長待洗南同受媵命不得擅退與立洗南者偕之起降時待洗南者已進二人皆拜送解同造阼階下致者右竝受作與終之今文阼階下無北面

公又行一爵若賓若長唯公所酬以旅于西階上如初大夫卒受者以虛解降奠于筐 又續前酬長齒卿若有諸公則長諸公前酬唯賓在堂正由賓始今諸公卿同在或由長故兩若旅西階上如初公卿錯旅而后大夫序升受酬大夫卒受者降奠起亦不及士特爲禮諸公卿別其節

主人洗升獻大夫于西階上大夫升拜受觶主人拜送觶大夫坐祭立卒爵不拜既爵主人受爵大夫降復位 獻大夫別中下大夫于諸公卿再與旅不嫌遲坐祭祭酒不拜既爵降於諸公卿

胥薦主人於洗北西面脯醢無胾 才智曰胥徒之首膳宰屬薦不于堂疑二主洗北西面親臣位不于賓酢時薦嫌僭正主不于獻公自酢時薦諸公卿未得獻辟自尊於獻大夫間薦標所齒不于薦大夫後薦猶以攝主異所攝者尊也薦則脯醢言脯醢爲無胾言無胾爲攝主疑于有胾俎實

辨獻大夫遂薦之繼賓以西東上卒射人乃升大夫大夫皆

升就席 辯獻大夫卒受者授主人爵降反位主人以虛爵降奠就洗北席遂薦以辯獻爲節繼賓以西東上讓賓統禮事若有東面者北上卒卒薦升大夫猶升諸公卿

席工於西階上少東樂正先升北面立于其西小臣納工工四人二瑟小臣左何瑟面鼓執越內弦右手相入升自西階北面東上坐小臣坐授瑟乃降工歌鹿鳴四牡皇皇者華卒歌 小臣掌詔相小灋儀故納工工先瑟小臣相因納相入東上坐右瑟長乃降由西階下適東堂

主人洗升獻工工不興左瑟一人拜受爵主人西階上拜送爵薦脯醢使人相祭卒受不拜主人受爵眾工不拜受爵坐祭遂卒爵不拜辯有脯醢不祭主人受爵降奠于篚 主人

洗爲大師取爵下篚特用爵賤工使別于正獻稱左瑟據  
堂鄉不依工面西階上拜送變于鄉飲阼階就其位伸主  
人尊人小臣屬使射人使相祭贊祭薦卒卒爵受授主人  
受爵不洗獻眾工遂卒爵不興坐卒不拜工受獻法今文  
卒爵下無不拜

公又舉奠解唯公所賜以旅于西階上如初卒 奠解大夫  
次長所賡賜酬爵尊公易稱言唯亦若賓若長如初者本  
爲畢獻大夫舉旅成節嫌遲在獻工後如之同諸公卿起  
工不參正禮卒辯大夫

笙入立于縣中奏南陔白華華黍 笙入以卒旅爲節縣階  
間立于中依縣爲位匏竹在下奏湊律之俗稱奏起無辭

主人洗升獻筮于西階上一人拜盡階不升堂受爵降主人拜送爵階前坐祭立卒爵不拜既爵升授主人眾筮不拜受爵降坐祭立卒爵辨有脯醢不祭 猶洗爲長潔降直階前主人拜送西階上北面

乃間歌魚麗筮由庚歌南有嘉魚筮崇邱歌南山有臺筮由儀 間歌與筮皆同鄉飲樂有常律

遂歌鄉樂周南關雎葛覃卷耳召南鵲巢采芣苢采蘋 遂歌鄉樂歌筮間後不參禮事

大師告于樂正曰正歌備樂正由楹內東楹之東告于公乃降復位 大師綜樂事故告樂正樂正司樂章故轉告公蓋歌筮間合四節之樂鄉國飲酒均可按節取備聲之和者



謂之正歌楹內西楹內東楹東近君不告賓賓純臣公得  
專禮降自西階復位縣東南

射人自阼階下請立司正公許射人遂爲司正司正洗角觶  
南面坐奠于中庭升東楹之東受命西階上北面命卿大夫  
君曰以我安卿大夫皆對曰諾敢不安司正降自西階南面  
坐取觶升酌散降南面坐奠觶右還北面少立坐取觶興坐  
不祭卒觶奠之興再拜稽首左還南面坐取觶洗南面反奠  
于其所射人可兼擯事故請立司正許則受命不由作故  
遂爲角觶罰爵南面堂下有專罰之尊升不執觶特爲受  
命兼事非敬受命達請立意西階上北面鄉卿大夫君曰  
逆命辭直稱卿大夫沒賓名賓假名不言諸公不必有統

于例辭敢不安猶言不敢不自檢以禮右還北面由解右還當解南左還南面答受命就職畢反專罰位南面反奠對士立瀆

升自西階東楹之東請徹俎降公許告于賓賓不敢辭俎爲諸公卿大夫無俎故司正請徹請徹降請徹公俎降阼階公許知爲安賓告賓告公許徹令賓知徹既告降復位賓北面取俎以出膳宰徹公俎降自阼階以東卿大夫皆降東面北上賓反入及卿大夫皆說屢升就席公以賓及卿大夫皆坐乃安徹俎命由公故賓先自取爲敬命以出不敢授司正出授從者膳宰徹公俎因所設降阼階取與賓俎出者別簡其節以饒公成司正請徹降命以東爨在東壁

卿大夫皆降從賓東面北上順堂賓反入位卿大夫北先說屨故曰及升就席司正相辭賓取俎公則興說屨升公待畢升乃坐故曰以曰及乃安司正相辭前稱安實未安燕坐乃安所以答命

羞庶羞大夫祭薦司正升受命皆命君曰無不醉賓及卿大夫皆興對曰諾敢不醉皆反坐 博品味曰庶大夫祭薦獻時未得薦薦時未得祭因羞時爲祭節受命于東楹東皆命君曰以述命起命罷無不醉適醉止樂不淫皆興對不下拜降席末敢不醉承惠命助君歡無矯情

主人洗升獻士於西階上士長升拜受觶主人拜送觶士坐祭立飲不拜既爵其他不拜坐祭立飲 洗洗散觶升實散

徹俎而後獻士位卑長升獻以齒拜受不拜既長得與大夫受獻同儀其他長以下不拜謂受觶時受不拜則既不拜坐祭立飲則卒授主人張眾士儀爲當繼獻今文觶作觶。

乃薦司正與射人一人司士一人執幂二人立于觶南東上射人已爲司正所役皆當與薦故疊稱其職一人猶云同此人司士天子夏官屬掌羣臣之版正朝儀之位故與薦執幂二人以兩瓦大時不酌膳故薦觶中庭司正所奠觶南東上司正東司士次執南幂者次執北幂者在其西皆北面薦于獻士長後末辯前標皆與士齒。

辯獻士士旣獻者立于東方西面北上乃薦士立東方西

面北上與未獻者對列以卿大夫皆升有虛位薦士薦于所立言乃獻而後薦從大夫例

祝史小臣師亦就其位而薦之其位祝史門東北面小臣師東堂下南面就其位薦酌亦就旅食之尊因薦起散爵之及沒獻文與旅食相互

主人就旅食之尊而獻之旅食不拜受爵坐祭立飲旅食位門西東上就尊獻亦就位薦沒薦文與祝史小臣師相起不拜受爵坐立飲與眾士同辯則以虛解反奠于東散筐

若射則大射正爲司射如鄉射之禮言若起燕不必射大射正射人長如鄉射禮公與賓耦燕射降于大射

賓降洗升媵觚于公酌散下拜公降一等小臣辭賓升再拜  
稽首公答再拜賓坐祭卒爵再拜稽首公答再拜賓降洗象  
觚升酌膳坐奠于薦南降拜小臣辭賓升成拜公答再拜賓  
反位 洗洗散觚賓已酢主人尙未酌公故媵用觚實代酢  
因變下大夫媵公用觶公降一等者命爲賓接以禮自飲  
散觚因洗象觚奠薦南從媵爵位不敢以賓自殊反位由  
西階上卒爵位升席象觚今文作象觶

公坐取賓所媵觚興唯公所賜受者如初受酬之禮降更爵  
洗升酌膳下拜小臣辭升成拜公答拜 初受酬賓受公酬  
更爵易散觶洗以更新猶酌膳達公酬意古文觚又爲觶  
乃就席坐行之有執爵者唯受于公者拜司正命執爵者爵

辯卒受者興以酬士大夫卒受者以爵興西階上酬士士升  
大夫奠爵拜士答拜大夫立卒爵不拜實之士拜受大夫拜  
送士旅于西階上辯士旅酌卒 就席坐行四酬可殺執爵  
者士也坐行故有唯受公者拜謂若卿若大夫如賓受公  
酬之拜司正命執爵者以公命適西階東北面令大夫聞  
之爵辯辯大夫興以酬士爲大夫坐行必命者前酬不及  
士卒受者興則執爵者復位與酬西階上常酬位士升司  
正不更相旅如獻敘立卒爵不拜示酬法實之自實散士  
拜受大夫拜送酬之正大夫接士當以禮辯司正司士執  
帛者皆與皆如受于大夫之拜士旅酌由西階上卒受者  
降就旅食尊酌旅之祝史小臣師亦就酌位卒受者奠饌

東籬

主人洗升自西階獻庶子于阼階上如獻士之禮辯洗爲其長潔庶子比天子諸子掌國子之倅正牲體及舞位夏官屬于阼階上公之嬖臣受獻亦升降西階辯者天子諸子二人諸侯當亦二人獻其次不洗卒受者授主人爵復位東堂下

降洗遂獻左右正與內小臣皆于阼階上如獻庶子之禮降洗爲異職異獻左右正擬天子宮正酒正宮正掌宮中戒令酒正掌四飲三酒皆天官屬宮正爲左酒正爲右內小臣猶天子奄臣掌陰事陰令亦天官屬皆于寢有勞役故終獻及之如獻庶子禮皆爲長洗皆無薦



無筭爵士也有執膳爵者有執散爵者 無筭舉旅不必腰  
致執事皆可通役故綜曰士也公不親酌故有執膳爵者  
賓與卿大夫往來就酌非以安公故有執散爵者

執散爵者酌以進公公不拜受 酌酌南瓦大公所自飲故  
云進斷言公不拜受起執膳爵者不拜送

執散爵者酌以之公命所賜所賜者興受爵降席下奠爵再  
拜稽首公答再拜受賜爵者以爵就席坐公卒爵然后飲

酌酌散公不飲散故曰之命所賜請命誰賜旅由公始得  
命則進授筵前公以散酬爲無筭殺降席離席代降階原  
心稱下公答再拜拜于席以爵就席坐因坐行例公卒爵  
然后飲侍飲不敢先公若公飲膳爲酬然今文曰公答拜

執膳爵者受公爵酌反奠之 受公爵受虛爵酌反奠爲散

爵卒旅將更舉。

受賜爵者興授執散爵執散爵者乃酌行之唯受爵于公者拜卒受爵者興以酬士于西階上士升大夫不拜乃飲實爵士不拜受爵大夫就席士旅酌亦如之 授執散爵不拜既爵猶興以公賜展餘敬乃酌行坐受坐飲卒授不興唯受公者拜敬公賜爲始酬殊卒受酬士因司正命酬例大夫不拜殺于初旅士不拜受殺于初受旅旅酌本無拜故于此始言如

公有命徹幕則卿大夫皆降西階下北面東上再拜稽首公命小臣辭公答再拜大夫皆辟遂升反坐 有命徹幕欲與

盥膳卿大夫皆降成拜者無筭爵既簡徹幕禮尤篤德將無醉不繼以淫故加敬于始也沒賓名同拜盡散之恩不嫌特與徹幕盡膳之賜命小臣辭雖不聽公待臣終謹于禮辟沒卿名卿亦大夫時位于下待公畢拜而升故曰皆辟升言遂以辟未遂反坐公以皆坐。

士終旅于上如初無筭樂言終因初旅再旅三旅不與繼今終之薦在東方故曰于上如初如無筭爵受旅旅食士酌于下如初爵既無筭樂亦終而始之。

宵則庶子執燭于阼階上司宮執燭于西階上甸人執大燭于庭閹人爲大燭于門外宵晦禮不下夜或禮錄耦夜膏竹木爲燎曰燭甸人擬天子甸師掌畔薪以薪蒸役饗事。

燭亦薪蒸屬閤人掌守宮門掃門庭設門燎皆天官屬俱稱人微者不嫌同號執燭阼階上庶子親令燭公及諸公卿西階上燭賓與大夫司宮卑于庭燭士與旅食與樂工人衆用大燭甸人疏爲樹之過大不可執門外燭出閤人賤甸人閤人沒獻節皆在旅食中。

賓醉北面坐取其薦脯以降奏陔賓所執脯以賜鍾人于門內雷遂出卿大夫皆出公不送公命無不醉因稱醉爲節復取脯成燕事凡禮飲禮食禮成賓必有執所以寵主人之禮鍾人比天子鍾師掌金奏以鍾鼓奏九夏春官屬禮成于樂鍾人節其醴勞而賜之于門內雷鍾人因闕進受俎已先出不當更以脯出卿大夫不取脯以賓節爲節皆

出從賓公不送興而俟畢出乃入不驚在寢古文賜作錫  
公與客燕曰寡君有不腆之酒以請吾子之與寡君須臾焉  
使某也以請對曰寡君君之私也君無所辱賜于使臣臣敢  
辭客他國大夫別于卿稱賓曰大夫奉命戒客辭須臾猶  
暫時某大夫名對曰介入告出答辭私親厚謂兩君一體  
則使臣猶臣古文腆作殄今文腆下無之

寡君固曰不腆使某固以請寡君君之私也君無所辱賜于  
使臣臣敢固辭固堅固請固辭皆標其再辭達不取變

寡君固曰不腆使某固以請某固辭不得命敢不從三請  
仍再請辭以數爲禮某客名再辭而從禮之正今文無使  
某

致命曰寡君使某有不腆之酒以請吾子之與寡君須臾焉  
君貺寡君多矣又辱賜于使臣臣敢拜賜命 致命大夫入  
升東面客從升北而聽命下拜稱辭貺賜敢拜先自狀辭  
稱賜命時唯命及客拜西階東大夫辭升成拜大夫出遂  
從之埒見燕客辭以卿尊舉大夫爲例

記燕朝服于寢 朝服君臣同服于寢燕私不以瀆先君  
其牲狗也烹于門外東方 牲用狗比鄉飲門外東方如  
牢烹不陳鼎

若與四方之賓燕則公迎之于大門內揖讓升賓爲苟敬  
席于阼階之西北面有爵不啻肺不啻酒其介爲賓無膳  
尊無膳爵 四方賓聘卿經舉小聘客故記出大聘卿迎

于大門內賓至次擯者告公出爲位賓入公揖賓從至寢  
門公揖入賓入而右公揖之左至階讓公升賓升公揖就  
席介不升待于西階下苟自苟敕也席近公加謹飾席于  
席公後席有加席賓辭則徹阼階西北面比諸公位有僇  
不降于賓不啻肺別于賓制時有祭無啻不啻酒降席卒  
不自殊于本國卿其介爲賓主人就之讓升戒時先告之  
亦以卿尊故無膳尊酌公同方壺無膳爵酌公因用散對  
他國臣謙不自優

與卿燕則大夫爲賓與大夫燕亦大夫爲賓則大夫爲  
賓以公不自爲主優卿亦使有代亦大夫爲賓取與代主  
敵不容賓士皆據本國言實賓客同例分與燕爲賓標燕

在此賓在彼取接歡情不注意于賓今文無則下無燕羞膳者與執冪者皆士也羞卿者小膳宰也羞膳者膳宰賓與公同執冪二人薦于獻士間知與士齒唯膳宰沒獻薦故皆之著齒士小膳宰膳宰胥徒以薦卿時沒官標之

若以樂納賓則賓及庭奏肆夏賓拜酒主人答拜而樂闕公拜受爵而奏肆夏公卒博主人升受爵以下而樂闕言若不殊本國與四方賓凡公所厚則納之樂以寵異之及庭而奏本國則公降一等揖時他國則公北鄉再揖時肆夏尤夏之二闕止謂賓降席就西階時食爵拜酒則卒爵公拜受爵而奏肆夏者納賓以樂公當與樂公不降故



以拜受爵爲奏始主人升受爵以下而樂闋下降降更爵自酢則不爲主人奏。

升歌鹿鳴下筦新宮笙入三成遂合鄉樂若舞則勺升歌堂上和瑟爲一節筦如篪六孔其中篴大者謂之簫小者謂之箛十二月之音物開地牙故謂之筦新宮筦樂名下筦堂下爲一節成終三成謂南陔白華華黍各一終遂合不間鄉樂周南三詩召南三詩鄉人通用故名若舞許燕有舞節勺周頌二十八告成大武之詩勺舞干舞言則不他取。

唯公與賓有俎 據本國諸公卿大夫唯薦。

獻公曰臣敢奏爵以聽命 奏進謂主人獻時以辭奏爵。

凡公所辭皆栗階凡栗階不過二等 儼謂小臣辭拜栗  
亟亟數升階爲公立俟皆通目受辭者凡栗階通目越所  
敬者不過二等過不及階且嫌大躁失容拜徹畢雖辭不  
栗階變常例。

凡公所酬既拜請旅侍臣 酬謂賜觶凡通若賓若長既  
拜進受虛爵時侍臣侍燕者該卿大夫必有所旅先請爲  
恭亦令受旅者知君惠。

凡薦與羞者小膳宰也有內羞 羞膳與卿上已俱釋薦  
大夫薦工薦士皆沒薦人羞庶羞不目官故凡之起爲小  
膳宰專職內謂宮中內羞君夫人世婦世子之羞邊人醢  
人所別供不在正遵正豆之列者言有不宜有特許博歡

心同珍味。

君與射則爲下射袒朱襦樂作而后就物小臣以巾授矢稍屬不以樂志旣發則小臣受弓以授弓人上射退于物一筈旣發則答君而俟若飲君燕則夾爵君在大夫射則肉袒燕不必射射不必君與爲欲兼見君與射節不以樂志尊者自節其節弓人比天子司弓矢掌大弓四弩八矢之法與其守藏出入夏官屬小臣受以授弓人君不執侯上射發則小臣授弓屬矢復挾旣將乘矢弓人受弓以適東堂飲君君不勝燕如燕謂如正燕媵爵法維媵不再飲儀不全同燕媵故又曰則夾爵

若與四方之賓燕媵爵曰臣受賜矣臣請贊執爵者相者

對曰吾子無自辱焉。媵爵曰：謂賓媵觚于公坐奠與而爲之辭，受賜謂主人獻媵及公酬贊執爵，謙言贊執膳爵者酌公，非徒一媵相者代公詔辭者堂上則小臣兼之。對曰：傳公辭命吾子親之，賤役爲辱。

有房中之樂。房中樂，夫人內燕所奏，詩不傳，用鐘鼓琴瑟奏之，或同笙樂，無辭，謂無筭樂，時言有起不爲四方之賓減。

弟 子傅守中校勘

壽機廬第二子吳 銑再校

儀禮彙固卷六終

儀禮燕固卷七

壽櫟廬叢書之一

名山吳之英典

大射儀第七篇 天子選助祭先射於澤後試於宮建諸侯也列國因之取士校射比乎禮樂備入貢也燕射儀畧大射儀靖德備者中多禮具而選成五禮屬嘉犬戴十三小戴第七劉錄鄭目皆第七篇

大射之儀君有命戒射宰戒百官有事於射者射人戒諸公卿大夫射司士戒士射與贊者前射三日宰夫戒宰及司馬射於郊天子選鄉貢士及諸侯貢士與禘祭諸侯選鄉貢士與祫祭皆謂之大稱君命據侯國爲例宰天子天官冢卿諸侯擬設上卿統官屬假爲名君先擇期命宰宰傳戒

命百官羣吏事射役射人戒諸公卿大夫射戒尊者司士掌士之戒令夏官屬贊者助尊者禮亦士司士專戒士前射三日起前戒尤豫宰夫掌朝儀凡禮事贊小宰冢宰屬司馬主軍政天子夏官正卿諸侯次卿戒宰爲總官治及者以尊及卑及司馬戒其總射政

射人宿視滌宿射前一日滌清拭用器視監之

司馬命量人量侯道與所設之以經步大侯九十參七十干五十設乏各去其侯西十北十量人掌量市朝道巷門渠司馬屬糴伏獸似貍假里聲遂人五家爲鄰五鄰爲里取其號量井田六尺爲步三百六十步而里用副天度大侯君所射麋侯參間參侯大夫虎豹侯飾以麋不如君侯純

干侯士鹿豕侯嫌鹿犯麋故名干示不相犯九十七十五  
十由堂起量至侯尊者遠卑者近蓋堂分高下因爵異尊  
卑故會射殊之侯有乏各于西北唱獲宜言設量爲設地  
西十北十已各因侯不更差

遂命量人巾車張三侯大侯之崇見鵠于參參見鵠于干干  
不及地武不繫左下綱設乏西十北十凡乏用革巾車掌  
公車容蓋襖蔽之物春官屬侯亦巾得兼張事遂命巾車  
與量人聯事張位依量位崇高侯中謂之鵠告也告射者  
以的也見鵠于參參揜大侯下舌見鵠于干干揜參侯下  
舌干不及地武據士堂三尺起例再言設乏西十北十標  
設依量爲節凡乏通目三乏獸皮治去毛謂之革革鞞宜



儀禮五經卷十  
二  
蔽身禦矢。

樂人宿縣于阼階東。笙磬西面。其南笙鐘。其南鐃。皆南陳。

再言宿。著與視滌同日。于阼階東。當洗北。磬石樂。磬氏爲磬。倨句一矩有半。其博爲一。股爲二。鼓爲三。大者謂之鼗。笙正月音。大簇氣。取其律爲磬。曰笙磬。眡瞭掌擊之。西面。東鼓鍾。金樂。倅所作。鑄用金錫。鳧氏爲之。小爲棧。大爲鏞。秋分之音。笙鍾亦取笙律。倍半爲鍾。鍾師掌擊之。鐃也者。殫也。似鍾而大。節度所生。清于之屬。以應鐘磬。皆南陳。皆北上。謂之東方之縣。

建鼓在阼階西南。鼓應鼗在其東南。鼓。鼓郭也。春分之音。萬物郭皮甲而出。謂之鼓。革樂。黃帝所作。氣應震方。韞人。

爲之小師掌擊之建植以木四柱短稅橫之周法縣鼓南鼓鄉北擊小鼓謂之應騎鼓謂之鼗合兩名爲名取倡鼓而裨助鼓節也鄉南爲列謂之近東北縣

西階之西頌磬東面其南鍾其南鐃皆南陳一建鼓在其南東鼓頌容也西方秋氣萬物以成皆有容儀取夷則律爲磬曰頌磬東面與笙磬對皆南陳比東縣法一建鼓標增于東重其成其南鐃南東鼓鄉西擊謂之西方之縣古文頌爲庸

朔鼗在其北一建鼓在西階之東南面朔氣已魄也朔鼗小鼗對應鼗名奏時先東後西應始朔終在其北西縣北亦南鼓一建鼓在西階東與阼階西建鼓配謂之近西北

縣空階間辟射事

箛在建鼓之間發倚于頌磬西絃 箛大竹筦笙皆竹凡之  
曰箛籥簫簴篪其類也在建鼓間謂東建鼓西有笙西建  
鼓東有筦發道也一名鞀倮所作小鼓旁有瑱搖擊出聲  
革音眡瞭掌播以道樂作絃篪邊卷倚頌磬西絃直頌磬  
西篪爲箛發不縣埴見其位

厥明司宮尊于東楹之西兩方壺膳尊兩甒在南有豐罍用  
錫若絺綴諸箭蓋罍加勺又反之皆玄尊酒在北尊土旅食  
于西鑄之南北面兩圓壺又尊于大侯之左東北兩壺獻酒  
厥明射期賢明兩方壺諸公卿大夫士所酌兩甒在南膳  
尊爲上有豐貴膳尊十五升抽半曰錫絺細于錫言若玄

尊緋膳尊緋綴繫兩端蓋幕先布一端加勺加于幕又反  
同蓋一端十勺竝南箭皆玄尊方壺膳甒皆配玄酒酒在  
北玄尊南上西酌皆于北尊北面設鄉堂惠由君出又有  
豫目兩圓壺因出設位獻酒縮汁可獻爲獻隸僕人巾車  
獲者尊于大侯乏東北尊君獲若皆由服不得獻然古文  
紉作錫箭作晉

設洗于阼階東南罍水在東篚在洗西南陳設膳篚在其北  
西面南陳爲膳篚當北設西面自爲列

又設洗于獲者之尊西北水在洗北篚在南東陳

又設豫標設位待將獻乃設水在洗北西面洗宜篚在南  
順取散奠散東陳亦取西上

小臣設公席于阼階上西鄉司宮設賓席於戶西南面有加  
席卿席賓東東上小卿賓西東上大夫繼而東上若有東面  
者則北上席工于西階之東東上諸公阼階西北面東上  
公與賓席先設告具則公升賓入則當獻其餘卿席獻而  
設大夫席薦而設工席將納而設諸公席亦待獻乃設卽  
言設具席僂位席時正之禮事繇遽妨失節猶獻酒之尊  
獻獲之洗也有加席殊賓卽以姦公卿上卿小卿謂中卿  
下卿賓西東上尊賓介于諸卿末及諸公不必有阼階西  
北面東上尊亞于公

官饌羹定射人告具于公公升卽位于席西鄉小臣師納諸  
公卿大夫諸公卿大夫皆入門右北面東上士西方東面北

上大史在干侯之東北北面東上士旅食者在士南北而東上小臣師從者在東堂下南面西上

門右北面東上諸公在右不殊列大史掌法則以逆治凡射事飾中舍筭執其禮事春官屬在干侯東北直諸公卿大夫西南起諸公卿大夫位皆在干侯東北爲干侯近堂可以標位士旅食者在士南直干侯西北小臣師小臣佐從者胥徒南面西上順公爲叙

公降立于阼階之東南南鄉小臣師詔揖諸公卿大夫諸公卿大夫西面北上揖大夫大夫皆少進大射正攢攢者請賓公曰命某爲賓攢者命賓賓少進禮辭反命又命之賓再拜稽首受命攢者反命賓出立于門外北面公揖卿大夫升就

席 詔揖詔公揖節西面北上右還侍公大夫從卿位異于燕位再揖大夫將命賓皆少進皆西出列未知公命大射正軍司馬之屬相主人曰擯賓拜受命左還北面公不答拜反命稱賓受命不相拜以公將不爲主人故出立門外直門右擬賓北面標已受命

小臣自阼階下北面請執冪者與羞膳者乃命執冪者執冪者升自西階立于尊南北面東上 此爲公與賓請也沒羞膳者命宰胥薦庶子設俎皆于堂上庭間無位

膳宰請羞于諸公卿者 羞諸公卿亦胥薦庶子設俎以無位仍沒命文不請羞大夫士無俎薦亦胥以請羞諸公卿歟之

擯者納賓賓及庭公降一等揖賓賓辟公升即席 擯者納  
賓公于臣無迎禮賓辟少退就西將與主人接不敢復當  
公禮。

奏肆夏賓升自西階主人從之賓右北面至再拜賓答再拜  
主人降洗洗南西北面賓降階西東而主人辭降賓對主人  
北面盥坐取觚洗賓少進辭洗主人坐奠觚于筐興對賓反  
位主人卒洗賓揖升主人升賓拜洗主人賓右奠觚答拜

奏肆夏以樂納賓賓升主人從賓以公命尊賓降階西東  
面豫爲進辭位賓揖升既揖先升古者諸侯射必行燕禮  
故初終之節畧如燕。

降盥賓降主人辭降賓對卒盥賓揖升主人升坐取觚執幕



者舉冪主人酌膳執冪者蓋冪酌者加勺又反之筵前獻賓  
賓西階上拜受爵于筵前反位主人賓右拜送爵宰胥薦脯  
醢賓升筵庶子設折俎賓坐左執觚右祭脯醢奠爵于薦右  
興取肺坐絕祭臠之興加于俎坐扼手執爵遂祭酒興席末  
坐啐酒降席坐奠爵拜告旨執爵興主人答拜樂闋賓西階  
上北面坐卒爵興坐奠爵拜執爵興主人答拜 蓋冪蓋半  
冪起酌時發冪酌者一執冪者贊主人酌又反反上端覆  
勺如設儀詳之爲酌膳執冪通例宰胥膳宰徒長宰胥薦  
庶子設皆請羞膳時所命薦者不兼設官具儀肅則隆于  
燕也樂闋以主人答拜爲節賓已告旨則成獻執爵興將  
酢主人

賓以虛爵降主人降賓洗南西北面坐奠觚少進辭降主人  
西階西東面少進對賓坐取觚奠于篚下盥洗主人辭洗賓  
坐奠觚于篚興對卒洗及階揖升主人升拜洗如賓禮 洗  
南西北面鄉主人如主人盥洗時面位少進辭降起主人  
辭降時亦少進主人西階西東面如賓降辭洗面位少進  
對起賓對時亦少進賓興對主人乃反位

賓降盥主人降賓辭降卒盥揖升酌膳執桴如初以酢主人  
于西階上主人北面拜受爵賓主人之左拜送爵主人坐祭  
不啐酒不拜酒遂卒爵興坐奠爵拜執爵興賓答拜主人不  
崇酒以虛爵降奠于篚 不啐酒不拜酒當竝出不告旨燕  
具文沒之者與賓禮容啐拜故標不爲無席酒雖君物已

爲攝主不容告旨

賓降立于西階西東面擯者以命升賓賓升立于西序東面  
賓降立爲畢酢以命升賓據禮假命

主人盥洗象觚升酌膳東北面獻于公公拜受爵乃奏肆夏  
主人降自西階阼階下北面拜送爵宰胥薦脯醢由左房庶  
子設折俎升自西階公祭如賓體庶子贊授肺不拜酒立卒  
爵坐奠爵拜執爵與主人答拜樂闋升受爵降奠于筐一獻  
公用觚降從賓奏肆夏樂爲公有乃緩辭公在堂受爵始  
知爲公奏遲之所以別攝主由左房薦自內出起薦賓亦  
由左房升自西階俎由外入起設賓俎由西階庶子贊授  
肺設者兼贊祭同燕時膳宰儀樂爲公奏當主人升受爵

而闕今在主人答拜後標關可比賓而公卒爵矣

更爵洗升酌散以降酢于阼階下北面坐奠爵再拜稽首公  
答再拜主人坐祭遂卒爵興坐奠爵再拜稽首公答拜主人  
奠爵于篚 燕禮主人自酢酌膳此酌散者燕禮君樂臣宰  
夫與射禮重射宰夫不與又膳無北尊故降酌散古文更  
作受

主人盥洗升媵觚于賓酌散西階上坐奠爵拜賓西階上北  
面答拜主人坐祭遂飲賓辭卒爵興坐奠爵拜執爵興賓答  
拜主人降洗賓降主人辭降賓辭洗卒洗賓揖升不拜洗主  
人酌膳賓西階上拜受爵于筵前反位主人拜送爵賓升席  
坐祭酒遂奠于薦東主人降復位賓降筵西東南面立 媵

觚代酬故主人親媵賓西階上北面答拜由西序進爲位  
不先升筵俛受散爲重射殺燕節賓辭謝其飲散反位反  
西階上位古文媵皆作騰

小臣自阼階下請媵爵者公命長小臣作下大夫二人媵爵  
媵爵者阼階下皆北面再拜稽首公答再拜媵爵者立于洗  
南西面北上序進盥洗角觶升自西階序進酌散交于楹北  
降適阼階下皆奠觶再拜稽首執觶興公答拜媵爵者皆坐  
祭遂卒觶興坐奠觶再拜稽首執觶興公答拜媵爵者執觶  
待于洗南公答再拜舉初答爲例後省再從可知

小臣請致者若命皆致則序進奠觶于筐阼階下皆再拜稽  
首公答拜媵爵者洗象觶升賓之序進坐奠于薦南北上降

適阼階下皆再拜稽首送觶公答拜媵爵者皆退反位 升  
實酌膳爲媵公皆退由西階序降反位反卿南位古文降  
適作降造

公坐取大夫所媵觶興以酬賓賓降西階下再拜稽首小臣  
正辭賓升成拜公坐奠觶答拜執觶興公卒觶賓下拜小臣  
正辭賓升再拜稽首公坐奠觶答拜執觶興賓進受虛觶降  
奠于筐易觶興洗公有命則不易不洗反升酌膳下拜小臣  
正辭賓升再拜稽首公答拜 小臣正小臣長辭稱公命辭  
酌膳下拜拜公酬兼拜不易命

賓告于擯者請旅諸臣擯者告于公公許賓以旅大夫于西  
階上擯者作大夫長升受旅賓大夫之右坐奠觶拜執觶興

大夫答拜賓坐祭立卒觶不拜若膳解也則降更解洗升實散大夫拜受賓拜送遂就席大夫辯受酬如受賓酬之禮不祭酒卒受者以虛解降奠于筐復位 告擯者徑請嫌質諸臣謂大夫不正言嫌殊諸公卿與士請旅諸臣賓受獻腍酬三爵辟專君惠凡公所酬既拜請旅制也公許擯者告賓卒觶不拜爲後酬法遂就席賓酬畢復位復大夫南末位諸公卿尊未獻不與簡禮士衆遲于事亦不與今文辯作偏

主人洗觶升實散獻卿于西階上司宮兼卷重席設于賓左東上卿升拜受觶主人拜送觶卿辭重席司宮徹之乃薦脯醢卿升席庶子設折俎卿坐左執爵右祭脯醢奠爵于薦右

興取肺坐絕祭不齊肺興加于俎坐挽手取爵遂祭酒執爵  
興降席西階上北面坐卒爵興坐奠爵拜執爵興主人答拜  
受爵卿降復位辯獻卿主人以虛爵降奠于篚擯者升卿卿  
皆升就席 兼卷重席豫重席再言設始張不必來否設賓  
左據正卿薦脯醢亦宰胥折七體可折不得過賓卿有俎  
隆于燕不齊肺別于賓興降席不啐酒于席末坐奠爵拜  
不告旨皆自下于賓變其文辟公及攝主復位阼階東南  
西面辟受獻者辯獻卿諸小卿卒受獻時司宮皆設重席  
于賓右東上皆辭皆徹

若有諸公則先卿獻之如獻卿之禮席于阼階西北面東上  
無加席 諸公尊于卿故先卿于獻卿後出獻儀爲若有具



小臣又請媵爵者二大夫媵爵如初請致者若命長致則媵爵者奠觶于篚一人待于洗南長致者阼階下再拜稽首公答拜洗象觶升賓之坐奠于薦南降與立于洗南者二人皆再拜稽首送觶公答拜待于洗南北面洗象觶拜後左還進取于膳篚薦南前大夫次長所奠南

公又行一爵若賓若長唯公所賜以旅于西階上如初大夫卒受者以虛觶降奠于篚一爵前大夫次長所致公又行爲獻卿畢再舉旅于大夫

主人洗觶升獻大夫于西階上大夫升拜受觶主人拜送觶大夫坐祭立卒爵不拜既爵主人受爵大夫降復位升拜受觶大夫長不即薦降于諸公卿

胥薦主人于洗北西面脯醢無脔 主人以受酢自酢媵賓  
爲得爵故中齒大夫得薦于洗北西面別于諸公卿大夫  
無脔例大夫

辨獻大夫遂薦之繼賓以西東上若有東面者則北上卒擯  
者升大夫大夫皆升就席 遂薦亦先席繼賓西東上題賓  
爲主實繼小卿若有東面者謂大國大夫數多則北上雖  
南屈猶屬賓席尙賓以敬公也升大夫擯者以命皆升就  
席依獻次

乃席工于西階上少東小臣納工工六人四瑟僕人正徒相  
大師僕人師相少師僕人士相上工相者皆左何瑟後首內  
弦撿越右手相後者徒相入小樂正從之升自西階北面東

上坐授瑟乃降小樂正立于西階東乃歌鹿鳴三終公不爲大夫舉旅大夫皆就席不宜命之賡則以樂節之工六人四瑟加于燕樂盛絃音僕人儼天子大僕掌擯相夏官屬正其長師其佐不兼役曰徒相僕人正尊大師亦尊少師儼天子小師佐大師掌六樂音節之和相少師佐僕人正不言徒當何瑟僕人士儼天子隸僕亦夏官屬相上工卑于僕人師言皆僕人士四人相三瑟工與少師而四後者亦僕人士徒相入與僕人正爲之始末起大師與後者爲歌工小樂正儼春官小胥掌正樂位巡舞列從之起不在六工數因有大師不如燕禮先升坐授瑟謂中四人乃降先出後相者逆降納工者不相文于燕乃歌鹿鳴三終

唯取雅樂首詩將禮未射不當備樂古文後首爲後手

主人洗升實爵獻工工不興左瑟一人拜受爵主人西階上拜送爵薦脯醢使人相祭卒爵不拜主人受虛爵眾工不拜受爵坐祭遂卒爵辨有脯醢不祭主人受爵降奠于篚復位左瑟左于瑟一人大師起大師主歌在瑟右

大師及少師上工皆降立于鼓北羣工陪于後乃筦新宮三終卒筦大師及少師上工皆東站之東南西面北上坐皆降將筦鼓北階間建鼓北羣工陪後南上筦兼笙謂吹簫叶律簫在建鼓間三終一律三復沒笙入以瑟工攝筦事爲將射減其節堂隅之屏曰站東站東南近東縣西面北上順堂坐待射事樂正北面立其南不間不合將有射樂

故大師不告備

擯者自阼階下請立司正公許擯者遂爲司正司正適洗洗  
角觶南面坐奠于中庭升東楹之東受命于公西階上北面  
命賓諸公卿大夫公曰以我安賓諸公卿大夫皆對曰諾敢  
不安司正降自西階南面坐取觶升酌散降南面坐奠觶興  
右還北面少立坐取觶興坐不祭卒觶奠之興再拜稽首左  
還南面坐取觶洗南面反奠于其所北面立 燕以射人擯  
得請遂爲司正此以大射正擯故亦因請遂爲燕時司正  
命卿大夫沒賓名燕不專敬于賓此命存賓名射重賓黨  
燕時並沒諸公此標之者國有大小或亡或有互出備儀  
北面立凝監飲事

司射適次袒決遂執弓挾乘矢于弓外見鏃于附右巨指鉤  
弦自阼階前曰爲政請射遂告曰大夫與大夫士御于大夫  
遂適西階前東面右顧命有司納射器射器皆入君之弓矢  
適東堂賓之弓矢與中籌豐皆止于西堂下眾弓矢不挾總  
眾弓矢楅皆適次而俟 司射射人長司馬屬暫舍曰次天  
官掌次掌以帟幕張大次小次射張耦次射有次在庭東  
南盛于鄉射司射適次以司正奠解爲節外上鏃利矢末  
金見鏃于附殼挾于弦巨指拇指鐃引詳挾矢法爲例自  
阼階前鄉公司馬掌政故司射以自命直云爲政請射君  
先有命戒射遂告因西北面告示述命大夫與大夫命合  
耦君在無敢專教士之權各以爵士御于大夫謂大夫有

奇士長耦不目諸公卿中舉見側東面右顧示納者方射  
器先庀門外東方皆入該東西中君弓矢適東堂入門而  
右決拾筈陳東站西堂下西序西實弓矢特止與公耦言  
止言下孫公屈其辭中籌疊從止若爲諸大夫士嚴然眾  
弓矢不挾起納君與賓者挾總眾弓矢可無別矢無束楅  
同適次時未當設設時西北進變于鄉射古文挾轡作接  
于爲於今文俟作待

工人士與梓人升自北階兩楹之間疏數容弓若丹若墨度  
尺而午射正蒞之卒畫自北階下司宮掃所畫物自北階下  
工人士設色工之貳掌畫績者梓人擘爲筍簠爲飲器爲  
侯者與聯事皆司空屬升自北階賤役不由大門疏寬數

距容弓取弓中制三尺爲兩物相去度黑赭曰墨若丹若墨上射丹下射墨午南畫畧如午文度尺計武步數射正射人副監督曰蒞自北階下無內位掃所畫物去留垢章物采。

大史俟于所設中之西東面以聽政司射西面誓之曰公射大侯大夫射參士射干射者非其侯中之不獲卑者與尊者爲耦不與侯大史許諾 俟立所設中豫表中位中西東面大史主釋筭先就所役爲位政謂誓誓軍法故司射自稱爲政聽者職記言司射誓爲釋獲誓西面對大史爲誓主大侯高遠公射以尊目大夫爲例諸公卿同射參干卑近士射以賤非侯而中所志不在爲繆不容誤獲與變不異



侯各識其侯不爲耦變大史許諾自爲釋獲許諾因得爲  
公與大夫士許諾古文異作辭

遂比三耦三耦侯于次北西面北上司射命上射曰某御于  
乎命下射曰子與某子射卒遂命三耦取弓矢于次遂比  
因誓畢三耦皆士司射前戒之侯侯比于次北以次表位  
西面北上順公司射命直三耦西東面遂命因此耦取于  
次未設楬弓矢楬皆在借取名爲息侯地今文侯爲立

司射入于次搢三挾一个出于次西面揖當階北面揖及階  
揖升堂揖當物北面揖及物揖由下物少退誘射射三侯將  
乘矢始射干又射參大侯再發卒射北面揖及階揖降如升  
射之儀遂適堂西改取一个挾之遂取扑搢之以立于所設

中之西南東面 司射本挾乘矢入次爲改儀摺三挾一个  
示三耦出次儀西面揖揖進由下物少退豫展敬于君物  
誘射題其無耦側射亦左足履物不方足還視侯中俯正  
足始射干由卑又射參漸尊大侯再發重大侯成于尊卒  
射亦執弓不挾右執弦北面揖不敢背公不得如鄉射誘  
射之南面遂適堂西改挾者納賓弓矢時豫爲司射納之  
立所設中西南東面亦先以中表位

司馬師命負侯者執旌以負侯負侯者皆適侯執旌負侯而  
俟 司馬師司馬正之佐負侯即獲者擬天子服不氏皆適  
侯服不負大侯其徒屬負參侯干侯

司射適次作上耦射司射反位 適次進鄉次始射三耦不

出爲位。變于鄉射。不啻誘射之儀習也。

上耦出次西面揖。進上射在左。竝行當階北面揖。及階揖。上射先升三等。下射從之。中等上射升堂。少左。下射升上射揖。竝行皆當其物北面揖。及物揖。皆左足履物。還視侯。中合足而俟。上耦出次。次耦三耦從。爲位次北。

司馬正適次。袒決遂。執弓右挾之。出升自西階。適下物立于物間。左執弣。右執簫。南揚弓。命去侯。負侯皆許諾。以宮趨直西。及乏南。又諾。以商至。乏聲止。授獲者。退立于西方。獲者與共而俟。司馬正。儼小司馬。會同饗射。掌事如大司馬。灋大射。則合諸侯六耦。袒決遂。備射儀。執弓與射事。右挾。示不射。適下物。不鈎楹。立物間西南面。皆許諾。各由其侯。以宮

趨許諾去侯聲用宮直西不衰趨及乏南爲宮聲節又諾轉其聲以商爲鄉乏變至乏聲止爲商聲節授獲者以旌授乏中獲者大射官備負侯與獲異人退立西方俟後命獲者興東面偃旌古文聲爲磬

司馬正出于下射之南還其後降自西階遂適次釋弓說決拾襲反位還其後不嫌背公還物有常儀反位司射南

司射進與司馬正交于階前相左由堂下西階之東北面視上射命曰毋射獲毋獵獲上射揖司射退反位反位立于所設中西南

乃射上射既發挾矢而后下射射拾發以將乘矢獲者坐而獲舉旌以宮偃旌以商獲而未釋獲卒射右挾之北面揖揖

如升射上射降三等下射少右從之中等竝行上射于左與  
升射者相左交于階前相揖適次釋弓說決拾襲反位三耦  
卒射亦如之 舉旌以宮用負侯趨乏南聲偃旌以商用負  
侯至乏聲右挾如司馬正升時之挾北面揖視誘射卒射  
揖儀如升射上射揖竝行上射少左及階揖反位反次北  
西面北上爲次耦三耦標古文獲皆作護釋爲舍

司射去扑倚于階西適阼階下北面告于公曰三耦卒射反  
搯扑反位 適阼階下告公與鄉射升堂告賓異者大射賓  
有厭公專射節

司馬正袒決遂執弓右挾之出與司射交于階前相左升自  
西階自右物之後立于物間西南面揖弓命取矢負侯許諾

如初去侯皆執旌以負其侯而俟司馬正降自西階北面命設楅小臣師設楅司馬正東面以弓爲畢既設楅司馬正適次釋弓說決拾襲反位言出起司馬正先適次交階前相左司射告公西退由內自右物後鉤楹取與前升命去侯相變許諾如初去侯者以宮趨直南至侯西又諾以商至侯聲止降自西階出左物南還其後北面立所設楅南設楅于中庭南當洗東肆畢田綱有柄田政指畫象用之西宿亦形似假名以弓爲畢執簫儼代示小臣師設節適次由司射東南

小臣坐委矢于楅北括司馬師坐乘之卒小臣坐北面既委矢興退坐乘進當楅左右撫矢卒以乘數告司馬正

若矢不備則司馬正又袒執弓升命取矢如初曰取矢不索  
乃復求矢加于楅卒司馬正進坐左右撫之興反位 加于  
楅亦坐委北括司馬正進撫因司馬師乘之不備既加親  
乘

司射適西階西倚扑升自西階東面請射于公公許遂適西  
階上命賓御于公諸公卿則以耦告于上大夫則降即位而  
后告司射自西階上北面告于大夫曰請降司射先降摺扑  
反位 請射于公請公射公爲主不得同鄉射請射于賓賓  
御于公當耦公命以下射辭尊公稱告致謹于諸公卿告  
于上等之賓告上射曰某子御于子告下射曰子與某子  
射降即位而后告別大夫于諸公卿請降當比于下先降

爲大夫帥

大夫從之降適次立于三耦之南西面北上 適次由西而東據次爲標實在次東北立三耦南繼三耦三耦爲射耦表位西面鄉楹北上虛諸公卿位降卽就耦爲同爵

司射東面于大夫之西比耦大夫與大夫命上射曰某御于子命下射曰子與某子射卒 東面于大夫西進鄉耦位大夫與大夫謂所比無士耦稱命司射有比權比辭如三耦爵同則辭同卒純耦卒比

遂比眾耦眾耦立于大夫之南西面北上若有士與大夫爲耦則以大夫之耦爲上命大夫之耦曰子與某子射告于大夫曰某御于子命眾耦如命三耦之辭 眾耦士耦立大夫



南由庭西進繼西面北上少退若有謂大夫若奇位耦末大夫耦士長上上士耦位耦首大夫耦上射稱命卑之大夫下射稱告因卑殊尊使士得下射比辭大夫得上射比辭爲異爵特倒其辭衆耦衆士命辭如三耦敵則同

諸公卿皆未降遂命三耦各與其耦拾取矢 皆未降當侍公以陪賓明降止大夫遂命因比畢既命反位

皆袒決遂執弓右挾之一耦出西面揖當楅北面揖及楅揖上射東面下射西面上射揖進坐橫弓卻手自弓下取一个兼諸弣與順羽且左還毋周反面揖下射進坐橫弓覆手自弓上取一个兼諸弣與順羽且左還毋周反面揖既拾取矢捆之兼挾乘矢皆內還南面揖適楅南皆左還北面揖摺三

挾一个揖以耦左還上射于左退者與進者相左相揖退釋  
弓矢于次說決拾襲反位二耦拾取矢亦如之後者遂取誘  
射之矢兼乘矢而取之以授有司于次中皆襲反位 皆袒  
決遂執弓右挾總爲目以皆在次一耦上耦西面揖出次  
卽進不爲位且左還手順羽而足左還周巾毋周不周左  
還而南而西暫爲儀不還北故不周周尖容且紆事故毋  
反面右折而東仍鄉下射揖揖下射拾取左還而北而東  
不還南故亦標毋周反面右折而西仍鄉上射揖揖上射  
拾取耦次比之起兼弱時撮之上射內左下射內右皆內  
還爲欲鄉堂上射右還下射左還以耦左還上射以下射  
皆折東鄉次上射于左異鄉射于右者鄉射無東次耦位

在西退者由南進者由北故相左得與鄉射退由北進由南同儀有司次中襄事者古文且爲阻捆爲魁

司射作射如初一耦揖升如初司馬命去侯負侯許諾如初司馬降釋弓反位命去侯又將射凡負侯將射去之射畢乃負降釋弓起升執弓

司射猶挾一个去扑與司馬交于階前適阼階下北面請釋獲于公公許反摺扑遂命釋獲者設中以弓爲畢北面大史釋獲小臣師執中先首坐設之東面退大史實入筭于中橫委其餘于中西興共而俟與司馬交階前司馬降由西司射由縣北適阼階下命釋獲者不命小臣師釋獲者當與設北面立所設中南小臣師設贊大史大史釋獲以命設

時不著官目之。起執筭先中閭中。先首左頭奉之。坐設南  
當楹西。當西序東面。順堂退反東堂下。

司射西面命曰中離維綱。揚觸梱復。公則釋獲。眾則不與。唯  
公所中。中三侯皆獲。釋獲者命小史小史命獲者。司射遂進  
由堂下北面視上射。命曰不貫。不釋上射揖。司射退反位。

西面命。鄉釋獲者離麗。謂侯躬維持。謂舌綱。舌左右綱。揚  
觸矢隧地而揚起。觸侯梱。支侯木。梱復矢抵梱而反隊。此  
五者得名中而非實中。公則釋獲。優公以中爲節。眾眾耦  
不與。不釋。唯公所中。不必公意。中三侯皆獲。尊得兼卑。皆  
命釋獲辭。釋獲者即大史小史。大史佐命獲者。傳大史所  
受。司射誓辭。命三侯獲者。大史將據命爲釋。防獲者不知。

亂命不貫不釋。眾耦例。故視上射。古文耦作魁。貫作關。

釋獲者坐。取中之八筭。改實八筭。興執而俟。乃射。若中則釋獲者。每一個釋一筭。上射于右。下射于左。若有餘筭。則反委之。又取中之八筭。改實八筭于中。興執而俟。乃射。謂上耦。每一個釋一筭。坐而釋。

三耦卒射。卒射。釋次耦三耦。獲如上耦。公將射。耦皆不得繼升。

賓降。取弓矢于堂西。降不待請。侍射不敢自賓先。諸公卿。本不敵。取弓矢堂西。則止堂西。

諸公卿則適次。繼三耦以南。諸公卿從賓降。將爲耦位。言則別于賓。適次。表束位。賓不入次。繼三耦南。在大夫北。西。

西北上。

公將射則司馬師命負侯皆執其旌以負其侯而侯司馬師反位。目公將射以畢降備公射事命負侯不繼射若節三耦卒射爲一成然言其異旌異侯。

隸僕人掃侯道。隸僕掌五寢掃除糞灑事夏官屬掃侯道嫌再射瀆爲公新若不襲然。

司射去扑適阼階下告射于公公許適西階東告于賓遂揖扑反位。告射請射適西階東告賓西面告公許作賓升今文無適。

小射正一人取公之決拾于東站上一小射正授弓拂弓皆以俟于東堂。小射正大射正佐境謂之站取決拾東站起

先納授弓將授大射正未授言授豫所職拂弓以巾皆俟東堂取決拾者反西位。

公將射則賓降適堂西袒決遂執弓搯三挾一个升自西階先待于物北一筈東面立再言公將射時將就物賓當升再言賓降適堂西起袒決遂執弓搯挾皆降堂西時之豫事先待侍射之禮物北一筈少退于上物東面立鄉公。

司馬升命去侯如初還右乃降釋弓反位即升命去侯賓已待物北不待公就物辟贊射還右還右物辟君物今文曰右還。

公就物小射正奉決拾以筈大射正執弓皆以從于物公就物以獲者去侯爲節樂作賓左還及物而俟筈小筐決

拾合盛故奉以筭大射正執弓由小射正授大射正以司正兼擯事沒假名見本職射時不需司正故

小射正坐奠筭于物南遂拂以巾取決興贊設決朱極三坐北面坐奠筭物南先取決猶盛拾拂以巾兼潔決拾朱朱絲極亟繫之亟因名三前端一後端一決中一

小臣正贊袒公袒朱襦卒袒小臣正退俟于東堂先決于手故袒次袒褻故小臣贊公袒朱襦起賓肉袒退俟將升贊襲

小射正又坐取拾興贊設拾以筭退奠于坫上復位拾加襦故既袒而設退奠空奠本位將復以升復位復東堂下大射正執弓以袂順左右隈上再下一左執弣右執箠以授



公公親揉之 衣屬幅圍臂圍應規曰袂以袂校巾寬厚宜  
施力隈弓上下曲上再下一先順左上隈次右上隈下隈  
裏而順得以三爲節揉引與手調言親起大射正先揉今  
文順爲循古文揉爲紐

小臣師以巾內拂矢而授矢于公稍屬 進矢括外鏃內內  
拂由括及鏃斂手爲敬稍屬大射正一授弓則一屬矢

大射正立于公後以矢行告于公下曰留上曰揚左右曰方  
公既發大射正受弓而俟拾發以將乘矢公卒射 立公後  
授弓右還眡矢行宜矢行矢道以告欲公知變射法曰舉  
古習射饒下氏留溜上高揚冒左右偏左偏右方邊曰方  
告左方右方皆不得中之名大射正受弓既發公不徒執

俟俟賓拾發復授公卒射繼拾將三矢皆如初。

小臣師以巾退反位大射正受弓小射正以筈受決拾退奠于坵上復位大射正退反司正之位小臣正贊襲以巾退授矢畢反位有司收公去矢授之東堂大射正受弓小射正受以適東堂以筈受決拾贊說決拾起升以筈退反司正位起專爲擯公升不與射政小臣正贊襲始贊袒當終之。

公還而后賓降釋弓于堂西反位于階西東面公即席司正以命升賓賓升復筵而后卿大夫繼射公還揖賓右還鄉席釋弓堂西則說決拾襲反位階西東面起降時位以命升賓賓宜侍公繼射俟賓復筵敬賓所以敬公。

諸公卿取弓矢于次中袒決遂執弓搯三挾一个出西面揖揖如三耦升射卒射降如三耦適次釋弓說決拾襲反位眾皆繼射釋獲皆如初卒射取弓矢于次起降時稱適次非入次反位三耦南眾謂諸公卿以下皆如初要公與賓及眾耦

釋獲者遂以所執餘獲適阼階下北面告于公曰左右卒射反位坐委餘獲于中西興共而俟司射始請釋獲于公釋獲既釋知筭故代司射告卒射稱左右據釋位即據物位司馬袒執弓升命取矢如初負侯許諾以旌負侯如初司馬降釋弓如初小臣委矢于楅如初賓諸公卿大夫之矢皆異束之以茅卒正坐左右撫之進束反位賓之矢則以授矢人

于西堂下司馬釋弓反位而后卿大夫升就席 袒不遂爲  
射再成異儀不決尤謹于鄉射降釋弓爲將撫矢束亦上  
握卒畢委矢故于次先束因加楅標之正司馬正顯乘矢  
非司馬師竝起上下稱司馬皆正左右撫爲上下射別位  
進束進理束防束者疏矢人掌爲矢冬官屬授矢人西堂  
下矢人贊賓賓矢同束不同留于楅司馬備乘以賓矢反  
位乃進授矢人受以俟再言釋弓本未執起反位即前釋  
弓未反位之正而后卿大夫升就席以司馬反位爲命升  
節

司射適階西釋弓去扑襲進由中東立于中南北面視筭釋  
獲者東面于中西坐先數右獲二筭爲純一純以取實于左

手十純則縮而委之每委異之有餘純則橫諸下一筭爲奇  
奇則又縮諸純下興自前適左東面坐坐兼歛筭實于左手  
一純以委十則異之其餘如右獲司射復位 進由中東立  
中南司射位直西序西南故進同鄉射位。

釋獲者遂進取賢獲執之由阼階下北面告于公若右勝則  
曰右賢于左若左勝則曰左賢于右以純數告若有奇者亦  
曰奇若左右鈞則左右各執一筭以告曰左右鈞還復位坐  
兼歛筭實八筭于中委其餘于中西興共而俟 由阼階下  
告公爲射主不升告賓還右還

司射命設豐司宮士奉豐由西階升北面坐設于西楹西降  
復位 命設豐東南面司宮士司宮胥徒奉豐由西階升納

時在西堂下

勝者之弟子洗觶升酌散南面坐奠于豐上降反位 酌散射爵不酌膳降袒執弓

司射遂袒執弓挾一个搯扑東面于三耦之西命三耦及眾射者勝者皆袒決遂執張弓不勝者皆襲說決拾卻左手右加弛弓于其上遂以執射司射先反位 司射袒不決拾別于勝者不勝者爲儀東面于三耦西進鄉耦北眾射者謂士耦本命三耦而言及眾射者眾射者與三耦同儀標公與賓諸公卿大夫不在列

三耦及眾射者皆升飲射爵于西階上 豫爲目標由耦首至耦末皆當敘飲

小射正作升飲射爵者如作射一耦出揖如升射及階勝者  
先升升堂少右不勝者進北面坐取豐上之觶興少退立卒  
觶坐奠于豐下興揖不勝者先降與升飲者相左交于階前  
相揖適次釋弓襲反位僕人師繼酌射爵取觶實之反奠于  
豐上退俟于序端升飲者如初三耦卒飲 升飲射爵由司  
射東南適次亦如之反位反耦位別于次中未飲者僕人  
師僕人正之副繼酌代勝者弟子官備職專不若鄉射徒  
言有執爵者退俟序端辟飲位待次耦降又進取實之  
若賓諸公卿大夫不勝則不降不執弓耦不升僕人師洗升  
實觶以授賓諸公卿大夫受觶于席以降適西階上北面立  
飲卒觶授執爵者反就席 飲依耦次故三耦卒而及賓諸

公卿大夫耦謂士不升有繼酌者標諸公卿大夫皆有耦士法賓耦公賓不勝公固不適豐矣實觶亦酌散執爵者僕人師先官且則可因事名若諸公卿大夫自相耦勝者不降席不勝者受觶降飲亦如之

若飲公則侍射者降洗角觶升酌散降拜公降一等小臣正辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳以致下拜小臣正辭升再拜稽首公答再拜公卒觶賓進受觶降洗散觶升實散下拜小臣正辭升再拜稽首公答再拜賓坐不祭卒觶降奠于篚階西東面立擯者以命升賓賓升就席若飲公公不勝也未必不勝故退文于後稱若侍射者賓也目侍射標爲射飲公洗角



鱠酌散將自飲爲公道降拜備腍儀公降一等用燕禮受  
賓腍儀賓坐祭亦取腍公儀卒爵遂拜故不降洗象鱠將  
飲公升酌膳象鱠不酌散稱致謹其辭公不祭卒鱠從射  
爵法賓受鱠降奠膳筐散鱠則角鱠賓坐不祭變前儀因  
公不祭而盈譁通稱公答再拜賓謹于拜公不得以射爵  
簡奠筐奠散筐中飲公而先後陪飲所謂夾爵階西東面  
立俟命今文席作筵

若諸公卿大夫之耦不勝則亦執弛弓特升飲眾皆繼飲射  
爵如三耦射爵辯乃徹豐與鱠耦謂士之耦諸公卿大夫  
者特升飲而后眾繼飲比士耦時固以大夫耦爲上眾謂  
士耦

司宮尊侯于服不之東北兩獻酒東面南上皆加勺設洗于尊西北篚在南東肆實一散于篚 復言尊臨事整之亦鬯壺同旅食士尊侯標爲祭侯服不掌養猛獸射則贊張侯以旌居乏而待獲夏官屬服不東北大侯乏東北三侯主大侯故特尊于大侯東面爲酌者西鄉南上犬侯在南皆加勺南獻酒以酌服不北獻酒以酌參侯于侯獲者設洗尊西北如前所標位起水仍洗北實一散獻隸僕人巾車獲者不易爵

司馬正洗散遂實爵獻服不服不侯西北三步北面拜受爵司馬正西面拜送爵反位宰夫有司薦庶子設折俎卒錯獲者適右个薦俎從之獲者左執爵右祭薦俎二手祭酒適左

个祭如右个中亦如之卒祭左个之西北三步東面設薦俎  
立卒爵司馬師受虛爵 爵有五名受一升曰爵二升曰觶  
三升曰觶四升曰角五升曰散獻用散服不賤洗就尊西  
北侯西北三步西北去乏三分之一拜受爵起獻位反位不  
俟卒爵司馬正但獻服不尊大侯宰夫有司宰夫徒屬錯  
豆南俎北言卒薦待設成適右个南面坐薦俎薦設者執  
之亦錯二手祭酒既祭薦俎右手虛左个之西北三步對  
受爵位設薦俎又從之立卒爵不拜既爵授司馬師爵司  
馬師受虛爵代司馬正

洗獻隸僕人與巾車獲者皆如大侯之禮卒司馬師受虛爵  
奠于筐 獻隸僕人巾車薦俎各一祭獲者參侯干侯之獲

者皆如大侯禮司馬師法司馬正無所降量人不獻等之  
工人士與梓人蓋皆就旅食位矣

獲者皆執其薦庶子執俎從之設于乏少南服不復負侯而  
俟特言獲者舉其異于隸僕人巾車隸僕人巾車受獻後  
不易位皆執其薦三祭畢自執以先左爵右薦起宰夫有  
司不終薦庶子執俎從重俎庶子終設乏少南設各去乏  
六步奇服不復負侯而侯獲者皆負侯而侯

司射適階西去扑適堂西釋弓說決拾襲適洗洗觚升實之  
降獻釋獲者于其位少南薦脯醢折俎皆有祭釋獲者薦右  
東面拜受爵司射北面拜送爵釋獲者就其薦坐左執爵右  
祭脯醢興取肺坐祭遂祭酒興司射之西北面立卒爵不拜

既爵司射受虛爵奠于筐釋獲者少西辟薦反位 適堂西  
不適次別于贊射事說決拾起命三耦升飲後復決拾釋  
弓則矢從弓適洗適阼階東南洗洗觶同大夫獻升實與  
諸公卿大夫同散尊少南尚右薦賅設不言人皆徒屬備  
舉祭儀詳大史起服不及隸僕人巾車獲者同節以賤畧  
司射適堂西袒決遂取弓挾一个適階西搢扑以反位 釋  
弓時不言矢取弓云挾一个者命三耦升飲時固挾一个  
釋時矢從弓

司射倚扑于階西適阼階下北面請射于公如初反搢扑適  
次命三耦皆袒決遂執弓序出取矢司射先反位 請射于  
公如初既射容公倦射適次命三耦起射爵辯皆由耦位

入于次序出取矢上耦既取爲位而后次耦出末耦如次耦先反位示三耦當爲位。

三耦拾取矢如初小射正作取矢如初三耦既拾取矢拾取如初豫爲三耦標儀作取矢司射統命小射正叙作言如初起先拾取時固贊作既拾取就耦位。

諸公卿大夫皆降如初位與耦入于次皆袒決遂執弓皆進當楅進坐說矢束上射東面下射西面拾取矢如三耦賓矢不在楅不降故諸公卿大夫待三耦既拾取而降與耦與同爵之耦進坐上射先下射繼說矢束上射說右下射說左爲爵同當拾取拾取畢揖適次釋弓說決拾襲出就耦位。

若士與大夫爲耦士東面大夫西面大夫進坐說矢束退反位耦揖進坐兼取乘矢興順羽且左還毋周反面揖大夫進坐亦兼取乘矢如其耦北面揖三挾一个揖進大夫與其耦皆適次釋弓說決拾襲反位 耦士揖讓大夫先進特進雖不束亦兼取優大夫順羽左還毋周仍三耦拾取儀北面揖挾畢取儀揖進揖鄉次釋弓說決拾襲未當射別于三耦反位耦亦徒反起諸公卿大夫先反

諸公卿升就席 升就席擯者以命升待大夫與士耦者畢取而后升爲大夫禮大夫待既射乃升

眾射者繼拾取矢皆如三耦遂入于次釋弓矢說決拾襲反位 釋弓矢說決拾襲從大夫例反位大夫耦南

司射猶挾一个以作射如初一耦揖升如初 作射作上耦  
司馬升命去侯負侯許諾司馬降釋弓反位 不言如初又  
發射耑起各爲一成

司射與司馬交于階前倚扑于階西適阼階下北面請以樂  
于公公許司射反揖扑東面命樂正曰命用樂樂正曰諾司  
射遂適堂下北面命上射口不鼓不釋上射揖司射退反位  
請樂于公公主以禮樂化人者不請樂賓君樂則臣和命  
用樂用節射東面樂正在工南堂下北面階間鄉上射命  
堂上下亦俱聞之

樂正命大師曰奏狸首間若一大師不興許諾樂正反位  
命大師樂正東面狸首逸詩梓人祭侯曰唯若寧侯毋或



若女不寧侯不屬于王所故抗而射女強飲強食詒女會  
孫諸侯百福蓋天子射不寧之侯諸侯射不寧之官狸音  
如不來不來不庭射首示警與祭侯辭同詎稱篇名知奏  
節。

奏狸首以射三耦卒射 奏狸首以射諸侯以狸首爲節三  
耦侍射同君節君爲主皆莫敢專其節。

賓待于物如初公樂作而后就物稍屬不以樂志其他如初  
儀卒射如初賓就席 待于物謂公將射待物如初則賓先  
降取弓矢如初稍屬謂樂節視公緩急志識謂識鼓而釋  
不以樂志公自節其緩急其他贊射事卒射如初以射器  
退。

諸公卿大夫眾射者皆繼射釋獲如初卒射降反位 卒射  
檄眾耦降反位在堂者升有時在下者退有節

釋獲者執餘獲進告左右卒射如初 進告適阼階下北面  
司馬升命取矢負侯許諾司馬降釋弓反位 反位擯者升  
卿大夫就席三耦入于次眾耦皆退

小臣委矢司馬師乘之皆如初 射已畢乘爲儀則不更煩  
司馬正賓之矢仍授矢人

司射釋弓視筭如初 視筭畢摺扑反位

釋獲者以賢獲與鈞告如初復位 復位斂筭實筭委餘共  
而俟

司射命設豐實觶如初 設豐命司宮士實觶命勝者弟子

遂命勝者執張弓不勝者執弛弓升飲如初 命勝者不勝者要兩黨見例中容小射正作升飲僕人師繼酌三耦卒飲賓諸公卿大夫不勝降適西階飲飲公夾爵諸公卿大夫耦不勝特升飲諸節皆如初。

卒退豐與觶如初 卒眾繼飲辯。

司射猶袒決遂左執弓右執一个兼諸弦面鏃適次命拾取矢如初司射反位 猶者可已辭以不敢專猶之命拾取矢命三耦反位仍先。

三耦及諸公卿大夫眾射者皆袒決遂以拾取矢如初矢不挾兼諸弦面鏃退適次皆授有司弓矢襲反位 言及殊之皆袒決遂拾取矢如初綜爲目其間有小射正作取矢與

卿大夫降節矢不挾兼弦面鏃從司射法有司夏官繕人冬官矢人之屬反位皆徒爲位雖三耦不摺挾

卿大夫升就席眾耦拾取矢畢而后卿升就席故大夫從升變前拾取儀皆爲射禮既成疏其節

司射適次釋弓說決拾去扑襲反位射已成去武備反位中西南猶將命退中與筭

司馬正命退福解綱小臣師退福巾車量人解左下綱命退福不更拾取矢命解綱不更射既命反位阼階東小臣師退福其設也既退反東堂下巾車量人解左下綱其繫也既解巾車就薦量人增位旅食間

司馬師命獲者以旌與薦俎退獲者通目三侯獲者以旌

退命去侯與乏以薦俎退命適東方曾命負侯去侯又獻之也獲者薦俎退則隸僕人巾車薦俎從退今文無司馬司射命釋獲者退中與筭而俟命釋獲者目所司猶命設時不命小臣師也退中小臣師以適西堂筭則大史執以從中筭退則薦俎亦退隨中位猶言俟終如始

公又舉奠觶唯公所賜若賓若長以旅于西階上如初大夫卒受者以虛觶降奠于僮反位奠觶大夫長一人所致又舉續燕事標燕之與射相成大夫卒受降奠不及士如前酬

司馬正升自西階東楹之東北面告于公請徹俎公許遂適西階上北面告于賓賓北面取俎以出諸公卿取俎如賓禮

遂出授從者于門外大夫降復位庶子正徹公俎降自阼階以東賓諸公卿皆入門東面北上司正升賓賓諸公卿大夫皆說履升就席公以賓及卿大夫皆坐乃安 升告爲得請將告賓請徹俎射成將復燕燕禮司正請徹今司馬正升請標此燕爲射舉大夫降無俎從降復位門右北面辟賓諸公卿入入當從升蓋易東上而西上庶子正徹公俎其設也降阼階從燕法公俎不出尊公別于賓俎皆入門東面北上不更勞公降揖大夫進屬位司正升賓倡以命使相厭乃安起屬作司正儀以成燕

羞庶羞大夫祭薦司正升受命皆命公曰眾無不醉賓及諸公卿大夫皆興對曰諾敢不醉皆反位坐 升受命東楹東

皆命西階上北面稱衆凡之皆反位坐起興對降席。

主人洗酌獻士于西階上士長升拜受觶主人拜送士坐祭立飲不拜既爵其他不拜坐祭立飲 既羞獻士又別于大夫爲節今文觶作觥。

乃薦司正與射人于觶南北面東上司正爲上 射人大射正貳故司正爲上起此實二人與燕禮兩職一人別燕禮竝薦司士一人執幕二人此爲射畧蓋齒旅食之士。

辯獻士士既獻者立于東方西面北上乃薦士 改位而薦辟升降位。

祝史小臣師亦就其位而薦之 史小史從大史位亦在干侯東北後當在西堂入時無祝因薦起之燕禮祝同史位

門東北面東上則在史西今亦當薦之西堂小臣師從者在東堂下

主人就士旅食之尊而獻之旅食不拜受爵坐祭立飲主人執虛爵奠于篚復位旅食尊無篚就獻因獻士觶不洗稱爵從統名士旅食者位在士南北面東上燕禮在門西東上文異地同

賓降洗升媵觶于公酌散下拜公降一等小臣正辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳坐奠于薦南降拜小臣正辭賓升成拜公答拜賓反位卒爵拜遂拜故不言降古文觶爲觶今文公答拜無再



公坐取賓所媵觶興唯公所賜受者如初受酬之禮降更爵洗升酌膳下再拜稽首小臣正辭升成拜公答拜乃就席坐行之有執爵者唯受于公者拜司正命執爵者爵辯卒受者興以酬士大夫卒受者以爵興西階上酬士士升大夫奠爵拜士答拜大夫立卒爵不拜實之士拜受大夫拜送士旅于西階上辯士旅酌 猶稱媵觶仍燕媵常名公舉賓媵爲酬節士之獻更爵猶酌膳標受于公司正命酬士以公此旅爲士舉嫌斥命大夫故命執爵者

若命曰復射則不獻庶子司射命射唯欲卿大夫皆降再拜稽首公答拜一發中三侯皆獲 命復射公有歡心欲習之調則不獻庶子標復射以此時爲節既畢獻不當復有射

事也。命射唯欲不泥正射之誓。猶先命以爲禮。降降階拜。謝公加恩寬其格。因降就射位。沒階遂拜。故小臣正不辭降成拜。則士耦因聞命矣。一發中三侯皆獲。所謂唯欲公不射故也。然則中離維綱。揚觸柎復釋獲者。得與之釋。則不貫亦釋。不鼓亦釋矣。

主人洗升自西階。獻庶子于阼階上。如獻士之禮。辯獻降洗。遂獻左右正與內小臣皆于阼階上。如獻庶子之禮。獻庶子起近侍與獻左右正與內小臣起私褻臣皆與。宰夫攝主君惠宜及者。皆當得爵。仍獻名。緣禮之體。敬爲本。不以貴賤殊。

無筭爵士也有執膳爵者有執散爵者執膳爵者酌以進公

公不拜受執散爵者酌以之公命所賜所賜者興受爵降席下奠爵再拜稽首公答再拜受賜爵者以爵就席坐公卒爵然后飲執膳爵者受公爵酌反奠之受賜者興授執散爵者執散爵者乃酌行之唯受于公者拜卒爵者興以酬士于西階上士升大夫不拜乃飲實爵士不拜受爵大夫就席士旅酌亦如之降席復言下離席末因禮殺不降階故受賜者受賜爵者授執散爵者本受散爵賜卒爵者大夫卒受爵者就席酬士長畢旅酌如之士辯旅食之士以堂下畧亦當有酬

公有命徹幕則賓及諸公卿大夫皆降西階下北面東上再拜稽首公命小臣正辭公答拜大夫皆辟升反位士終旅于

上如初無筭樂 燕止稱卿大夫言賓及諸公者徹筵將與  
盡膳大射特膳酒尤貴于燕膳竝標之同拜殊錫雖賓酌  
散公意厚矣拜下禮也雖辭不興終以成之著經法焉反  
位反坐

宵則庶子執燭于阼階上司宮執燭于西階上甸人執大燭  
于庭閭人爲燭于門外 閭人爲燭亦爲大燭如燕

賓醉北面坐取其薦脯以降奏陔賓所執脯以賜鍾人于門  
內霤遂出卿大夫皆出公不送公入鵲 入還國鵲九夏之  
終奏爲行節賓與公皆成于樂

儀禮彙固卷七終

弟子傳守中校勘

壽櫟廬第二子吳銑再校